

Letter 602: 2 April 1536, [Strasbourg], Capito to Johannes Bernhardi

The text of the letter is printed in J.B. Ritter, *Evangelisches Denckmahl der Stadt Franckfurth am Mayn* (Frankfurt, 1726), 346, and in *Franckfurtische Religions-Handlungen* (Frankfurt, 1735), Part 2, Beil. pp. 28–9, no. XI.

S. Laus Deo, tandem adoptatam diu colloquendi cum fratribus adeoque cum Luthero facultatem adepti sumus. Dominica Cantate, si Dominus vitam dederit, erimus Isenaci. Nam iuxta exemplum harum literarum nos Lutherus vocat et nos ante hac annuimus, imo ultro polliciti sumus ad extremum Saxoniae angulum vocantem subsecuturos. Ergo etsi non unus mensis integer superesset ab acceptis literis et Helvetiae fratres simul vocandi erant, non potuimus committere, ut non protinus amplecteremur oblatam conditionem. Et tamen incommode cecidit, quod aut rariores, aut prorsus nullos Helvetiorum poterit adesse. Nihil enim videbatur inconsultius, quam dare Satanae spacium res conturbandi. Hactenus autem inter vos et Wittenbergenses species diffidii alitur, idcirco velim, mi Ioannes, tuo nomine, sed publico pariter sumtu adesses. Quarto Maii, Christo auspice, tecum erimus, crastino eius diei, ad praestitutum locum profecturi. Age igitur te comitem habeamus. Coram de lucis literariis instituendis. Sed et nos spes tenet conventum harum optimarum rerum occasionem nobis praebiturum. Christus noster sospitet consilia spemque hanc nobis tandem absolvat. Vale cum fratribus in Domino. 2 Aprilis 1536.

V. Capito tuus.